



Халқ сўзи

Ўзбекистон —
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 16 октябрь, № 213 (9108)

Пайшанба

Сайтимиғиз ўтиш учун QR-коддини телефонингиз орқали сканер қилинг.



УСТУВОР ЛОЙИҲАЛАРНИ АМАЛГА ОШИРИШ МАСАЛАЛАРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 15 октябрь куни Саудия Арабистонининг етакчи компаниялари раҳбарларидан иборат нуфузли делегация бошчилигида мамлакатимизга ташриф буюрган Саудия Арабистони Подшоҳлиги инвестициялар вазири Холид ал-Фалихни қабул қилди.



Учрашув аввалида олий мартабали меҳмон давлатимиз раҳбарига Саудия Арабистони Подшоҳи Салмон бин Абдулазиз Ол Сауд ва Валиахд, Бош вазир Муҳаммад бин Салмон Ол Сауднинг салом ва энг эзгу тилақларини етказди.

Олий даражадаги келишувларни амалга ошириш доирасида Ўзбекистон — Саудия кўп қиррали ҳамкорлиги ва кенг қўламли шериклики янада кенгайтиришнинг долзарб масалалари кўриб чиқилди.

Самарали ҳамкорлик жадал ривожланиб бораётгани катта мамнуният билан қайд этилди. Барча даражадаги алоқалар фаоллашди. Ўзаро савдо ҳажми, тўғридан-тўғри инвестициялар ва қўшма корхоналар сони ортиб бормоқда. Икки давлат ўртасидаги авиақатновлар кўпайди.

Қўшма лойиҳалар портфели 27 миллиард долларга етди. “ACWA Power” компанияси билан энергетика соҳасида 15 миллиард долларлик қатор йирик лойиҳалар амалга оширилмоқда.

Куни кеча Тошкент шаҳрида ўтган Ҳукуматлараро комиссия ва Ишбилармонлар кенгашининг навбатдаги йиғилишларининг самарали натижалари, улар доирасида янги битим ва шартномалар имзолангани юксак баҳоланди.

“Яшил” энергетика, қишлоқ хўжалиги, электротехника, кўчмас мулк, мамлакатимиз ҳудудларида инфратузилмани модернизация қилиш ва бошқа устувор йўналишлардаги лойиҳа ҳамда ташаббусларни тез фурсатда амалга оширишга алоҳида эътибор қаратилди.

САУДИЯ АРАБИСТОНИ ИШБИЛАРМОНЛАРИ БИЛАН ШЕРИКЛИКНИ ЯНАДА КЕНГАЙТИРИШ МУҲИМЛИГИ ҚАЙД ЭТИЛДИ

Ўзбекистон Республикаси Президенти Шавкат Мирзиёев Саудия Арабистонининг етакчи компаниялари раҳбарлари билан учрашув ўтказди.

Тадбирда Подшоҳликнинг инвестициялар вазири Холид ал-Фалих, “ACWA Power”, “Al Muhaidib Group”, “Vision Invest”, “Data Volt”, “Riyadh Cables”, “AlMajdiah”, “InterHealth”, “Saudi Tabreed”, “AlBawani Holding”, “Miahona”, “Pemco” ва бошқа етакчи компания ҳамда корпорациялар раҳбарлари иштирок этди.

Учрашув аввалида Президентимиз икки давлат раҳбарларининг биргаликдаги сазй-ҳаракатлари туфайли кейинги йилларда Ўзбекистон — Саудия кўп қиррали шериклик муносабатлари юксак даражага кўтарилганини алоҳида таъкидлади.

Жорий йил бошидан буён юртимизда Саудиянинг 2 миллиард долларлик инвестициялари ўзлаштирилди. Ўзаро савдо ҳажми барқарор ошиб бормоқда. Авиақатновлар сони ҳафтасига 60 мартадан ортди.

Бугун икки мамлакат ўртасидаги самарали ва узоқ муддатли шерикликнинг яна бир ёрқин далили бўлган тарихий лойиҳа — янги Тошкент халқаро аэропортининг қурилишига тамал тоши қўйилиши алоҳида таъкидланди.

— Ўзбекистоннинг иқтисодий трансформациясига, унинг ривожланишига катта ҳисса қўшаётган саудиялик ҳамкорларимизни биз доим юксак қадрлаймиз, — деди Президент.

Сўнг Ўзбекистон етакчиси ҳамкорлики янада ривожлантиришнинг устувор йўналишларини кўрсатиб, энер

гетика соҳасидаги лойиҳалар алоҳида аҳамиятга эга эканини қайд этди.

Бугунги кунда “ACWA Power” компанияси томонидан мамлакатимизда 15 миллиард долларлик лойиҳалар, жумладан, ҳудудларда шамол ва қуёш электр станцияларини қуриш, “яшил” водородни ривожлантириш лойиҳалари амалга оширилмоқда.

Бундай лойиҳаларда ўзимизнинг ишлаб чиқарувчиларнинг маҳсулотларидан кенг фойдаланиш саноатимиз салоҳияти ривожланишига хизмат қилади.

Ахборот технологиялари ва сунъий интеллект соҳасидаги ҳамкорлиқни мустаҳкамлашга алоҳида эътибор қаратилди. “Data Volt” компанияси Тошкент шаҳрида замонавий маълумотлар марказини ташкил этиш лойиҳасини муваффақиятли амалга оширмоқда. Янги Тошкент ва Бухорода шундай марказлар қурилишини, шунингдек, Саудия Арабистони компанияларининг рақамли ташаббуслардаги иштирокини қўллаб-қувватлашга тайёр эканлиги билдирилди.

Таъкидланганидек, Ўзбекистон вольфрам, молибден, магний, литий, графит, титан ва бошқа стратегик муҳим фойдали қазилмаларнинг катта захираларига эга.

Тошкент ва Самарқанд вилоятларида “Келажақ металлари технопарки” ташкил этилиб, юқори қўшилган қийматли маҳсулотлар ишлаб чиқариш йўлга қўйилди.

Шу муносабат билан мамлакатимиз етакчиси саудиялик инвесторларни геология-қидирув ишларини олиб бориш ва ҳомашёни қазиб олишдан тортиб уни қайта ишлаш ва тайёр маҳсулот ишлаб чиқаришга бўлган барча жараёнлардаги лойиҳаларда фаол иштирок этишга таклиф этди.

Инфратузилма соҳасида “Miahona” компанияси билан Фарғона ва Жиззах шаҳарларида оқова сувларни тозалаш, Қорақалпоғистонда сув таъминоти тизимларини ривожлантириш ва насос станцияларини модернизация қилиш лойиҳалари бўйича муваффақиятли ҳамкорлик қилинаётгани қайд этилди.

Шунингдек, “Saudi Tabreed” компанияси билан коммунал соҳани ривожлантириш бўйича келишувларга эришилди.

Президентимиз Подшоҳлик компаниялари билан доиралари вакиллари Янги Ўзбекистоннинг иқтисодий сиёсати, барқарор ўсиши ва қулай инвестициявий муҳитини юқори баҳолаб, мамлакатимизда ўзаро манфаатли шериклики янада чуқурлаштириш, аниқ лойиҳа ва дастурларни илгари суриш режаларини баён қилдилар.

Ў.А.

ЗАМОНАВИЙ ЕЧИМЛАР АСОСИДА ЯНГИЛАНАЁТГАН ТРАНСПОРТ ТИЗИМИ, ЙИРИК САНОАТ ЛОЙИҲАЛАРИ ХАЛҚИМИЗ ТУРМУШНИ ЯХШИЛАШГА ХИЗМАТ ҚИЛАДИ

Президент Шавкат Мирзиёев 15 октябрь куни Тошкент вилоятида янги халқаро аэропорт лойиҳаси тақдироти билан танишди ҳамда мазкур улкан мажмуа қурилиши бошланишига бағишланган маросимда иштирок этди.



Изчил тараққий этиб, улкан мегаполисга айланаётган Тошкент шаҳрига дунёнинг турли минтақаларидан сайёҳлару тадбиркорлар, инвестору давлат арбобларининг ташрифи кўпайиб бормоқда. Аниқ рақамларда айтадиган бўлсак, Ўзбекистон дунёга кенг очилганидан сўнг хорижий сайёҳлар сони 3 миллиондан 10 миллионга ошди. 2030 йилга бориб 15 миллионга етади.

Яхши қўшничилик алоқаларининг тиклангани, чегараларнинг очилгани натижасида одамлар учун минтақамиз

бўйлаб бемалол ҳаракат қилиш имконияти яратилди.

Давлатимиз раҳбари ташаббуси билан бунёд этилаётган Янги Тошкент шаҳри ҳам қўлай жойлашуви, инвестиция жозибадорлиги, яшаш учун барча шароитга эгаллиги боис ғоят гавжум масканлардан бири бўлиши кутилмоқда.

Шунга мувофиқ, транспорт инфратузилмасининг барча йўналишлари мутаносиб ривожлантирилмоқда. Айниқса, авиация соҳасида янги экотизимни

шакллантириш бўйича кенг қамровли ишлар олиб боришмоқда.

Хусусан, ҳудудлардаги 7 та халқаро аэропорт замон талаблари асосида реконструкция қилинати.

Мўйноқ, Қўқон, Зомин, Шаҳрисабз, Сарийосиё, Сўх туманларида янги аэропортлар барпо этилиб, уларнинг сони 18 тага етказилди.

(Давоми 2-бетда).



Ўзбекистон Республикаси Президенти
Матбуот хизмати суратлори.

Муҳаммад АБУНАЙЯН:

«ЎЗ ХАЛҚИНИ СИЗ КАБИ СЕВАДИГАН ДАВЛАТ РАҲБАРИНИ УЧРАТМАДИМ»

Хабар қилинганидек, куни кеча Ўзбекистон Республикаси Президенти Шавкат Мирзиёев иштирокида Тошкент вилоятида янги халқаро аэропорт қурилишига тамал тоши қўйишга бағишланган тантанали маросим бўлиб ўтди. Унда Саудия Арабис-

тонидан ташриф буюрган йирик инвестор — «ACWA Power» компанияси бошқаруви раиси Муҳаммад Абунайян ҳам сўзга чиқиб, мамлакатимизда амалга оширилаётган ислохотлар ҳақида ўз фикрларини билдирди. Қуйида унинг нутқи эълон қилинмоқда.

Ҳурматли Президент Жаноби Олийлари, мухтарам Саудия Арабистони инвестициялар вазири Холид ал-Фалих жаноблари, азиз ҳамкорлар ва кадрли меҳмонлар!

Аввало, барчангизга тинчлик, барака ва саломлар бўлсин!

Сизлар сўнгги саккиз йилда яқин ҳамкорликда амалга оширган ишларни бошқа мамлакатлар асрлар давомида ҳам бажара олмаслигини бугун фақат бу ерда тўпланган иштирокчиларга эмас, балки бутун дунёга намён этдингиз.

Чиндан ҳам, бундай улкан натижаларга дунёдаги бирорта етакчи шундай қисқа муддатда эришмоғи жуда қийин.

Президент Жаноби Олийлари, мен аввал ҳам таъкидлаб айтганман: бу даражада катта ўзгаришларни амалга оширган етакчиларнинг икки нафарини биламан. Биринчиси — Сиз, Жаноби Олийлари, иккинчиси эса — Саудия валиаҳди, Бош вазир Муҳаммад бин Салмон Ҳазрати Олийларидир.

Ўзбекистонда биз кўрган ва гувоҳи бўлган барча ютуқлар Сизнинг ўз ишингизга бўлган буюк ишонч-эътиқодингиз ва фидокорона меҳнатингиз самарасидир. Сиз бу ишларни халқингиз ва Ватанингизга бўлган чексиз меҳр-муҳаббатингиз туфайли амалга оширмоқдасиз.

Мен дунёнинг 24 та давлати раҳбарлари билан мулоқотда бўлдим. Лекин ўз халқини Сиз каби чин дилдан севадиган давлат раҳбарини учратмадим. Шунинг учун ҳам эл-юртингиз

Сизни яхши кўриб, бошига кўтармоқда.

Мен Сиз билан йигирма марта учрашиш бахтига муяссар бўлганман. Ҳар бир учрашувдан олдин нутқ тайёрлаб, нималарни айтиш кераклигини обдан ўйлаб оламан. Аммо ҳар гал Сизнинг фикрингиз, азму шижоатингиз ва амалий ишларингиз бизниқидан устун келади. Сиз доимо жадал ҳаракат қиласиз, сидқидилдан ишлайсиз ва албатта натижага эришасиз.

Сиз маҳаллий ва хорижий инвесторларга катта эътибор қаратдингиз. Улар учун тенг имкониятлар яратиб бердингиз. Сиз Ўзбекистонни ҳар бир компания ва давлат учун энг яхши инвестиция маконига айлантирддингиз.

Мен 15 та мамлакатда инвестиция лойиҳасини амалга оширганман ва 30 дан зиёд давлатда бўлганман. Қаерга борсам ҳам “Янги Ўзбекистон” ҳақида эшитаман. Бу Янги Ўзбекистон — Сизнинг эл-юртингизга садоқатингиз ва тинимсиз меҳнатингиз маҳсули.

Бутун дунё бугун Сизни кузатмоқда, Сиздан ўрганмоқда. Сизнинг раҳнаомлигингизда ишончли ҳукумат ва фидойи жамоа кеаю кундуз меҳнат қилмоқда. Мен ҳафтасига етти кун, кунига 18 — 20 соат ишлайдиган ҳукуматни фақат Ўзбекистонда ва Саудияда кўрдим. Шунинг учун ҳам халқингиз Сизни севмоқда, инвесторларингиз ва кўплаб давлатлар Сизни ҳурмат қилмоқда. Дунёдан кўп одамлар Ўзбекистонга турист сифатида ҳам,

дўст сифатида ҳам, инвестор сифатида ҳам келишни хоҳлайди.

Ўзбекистоннинг буюк тарихи бор. Аини вақтда Сизнинг бугунги ютуқларингиз ҳам муҳим тарихий аҳамиятга эга. Энг асосийси, Сиз ҳеч қачон эришган маррангизда тўхтаб қолмайсиз. Бугунги учрашувда ҳам Сиз 30 миллиард долларлик лойиҳалар якунига етказилгани, кейинги йилларда эса янги йўналишлар бўйича яна иш олиб боришини айтдингиз.

Президент Жаноби Олийлари, Сизнинг асосий мақсадингиз — халқларга ҳаёт сифатини яхшилаш. Сиз ёшларга катта ишонч билан қарайсиз. Янги Ўзбекистоннинг куч-қудрати ва келажаги — айнан ана шундай иқтидорли ёшлардир.

Саккиз йилда Янги Ўзбекистон учун мустаҳкам пойдевор қўйилди. Инша Аллоҳ кейинги йилларда Ўзбекистон ўз салоҳиятини бутун дунёга янада яққол намён этади. Янги Ўзбекистон нималарга қодир эканини жаҳон албатта кўради.

Президент Жаноби Олийлари, бизга кўрсатган ишончингиз учун раҳмат. Катта-катта ишларга етакчилик қилиб келаётганингиздан чексиз миннатдоримиз.

Менинг икки устозим бор: бири — валиахд шаҳзода, Бош вазир Муҳаммад бин Салмон Ҳазрати Олийлари, иккинчиси — Сиз, Президент Жаноби Олийлари. Мен Сиздан жуда кўп нарсани ўргандим. Сиз — менинг устозимсиз.

Яна бир бор катта раҳмат Сизга!

